



გენდერული თანასწორობა და მდგრადი განვითარება

DOI - 10.36962/ecs104/10-12/2021-16

ბელა კუტიბაშვილი,

სტუ დოქტორანტი

მეცნ. ხელმძღვანელი:

სტუ პროფესორი **ტარიელ კიკვაძე**

რეზიუმე

გენდერული თანასწორობა განხილულია როგორც დემოკრატიული ღირებულებების შემადგენელი ნაწილი. სწორედ დემოკრატიული სახელმწიფო უნდა ეფუძნებოდეს არა მარტო პოლიტიკური და სოციალური, არამედ გენდერული თანასწორობის იდეასაც, რაც გულისმობს ქალისა და მამაკაცის თანაბარი უფლება-მოვალეობების, პასუხისმგებლობისა და სოციალ-პოლიტიკურ ცხოვრებაში თანაბარი ჩართულობის უზრუნველყოფას. გაერთიანებული ერების მდგრადი განვითარების 5-ე მიზანს განეკუთვნება საზოგადოებაში გენდერული თანასწორობის უზრუნველყოფა. გამომდინარე აქედან, საქართველოს მთავრობა აქტიურად მუშაობს ქვეყანაში 2030 წლისთვის ქალთა ეკონომიკური გაძლიერების და თანასწორი ეკონომიკური შესაძლებლობების უზრუნველყოფისთვის და გადაწყვეტილების მიღების პროცესში გენდერული ბალანსის დაცვის მიმართულებით. გლობალური კვლევების თანახმად, ქალის პოტენციალი მსოფლიოში ყველაზე ნაკლებად გამოყენებული ეკონომიკური რესურსია, პანდემია კი კიდევ უფრო ამძაფრებს ამ პრობლემას. მსოფლიო კვლევების თანახმად, გლობალურ დონეზე, პანდემიის შედეგად ქალებში სამუშაო ადგილების დაკარგვის მაჩვენებელი დაახლოებით 1.8-ჯერ აღემატება იგივე მაჩვენებელს მამაკაცებში.

სტატიაში ფართოდ არის გაშუქებული გენდერული თანასწორობისთვის ისეთი დამატებითი რისკფაქტორები, როგორიცაა სიღარიბე, რადგან ქალებს ხშირად არ მიუწვდებათ ხელი სრულფასოვან კვებაზე, სუფთა ჰაერზე, წყალზე, ექიმთან ვიზიტზე და საცხოვრებელზე. მაგალითად, ტექსტილის წარმოება მთელ მსოფლიოში ერთ-ერთი მნიშვნელოვანი დამაბინძურებელი წარმოებაა. ამ სფეროში დასაქმებულთა 90% ქალებია. ანალოგიურად საქართველოშიც სამკერვალო ფაბრიკებში დასაქმებულთა უმრავლესობა ქალია, ჩვენს მიერ ჩატარებულმა დაკვირვებამ აჩვენა რომ ქალთა ანაზღაურება თვეში საშუალოდ 400-500 ლარია, სანაცვლოდ უწევთ მუშაობა მაღალი დატვირთვის, ზეგანაკვეთური სამუშაოს შესრულება, რაც ასევე ზრდის მათი ჯანდაცვის რისკებს. ანალოგიური პრობლემებია სხვა ინდუსტრიის პირობებშიც. მაგალითად, ქალაქი რუსთავი, სადაც ატმოსფერული ჰაერის დაბინძურების ხარისხი დასაშვებ ნორმატიულ მაჩვენებლებს 3-4 ჯერ აღემატება. ამიტომ ქალთა უმრავლესობა უჩივის სუსტ იმუნიტეტს, სხვადასხვა ალერგიულ და ონკოლოგიურ დაავადებებს. აქვე უნდა ავღნიშნოთ, რომ საქართველოში საკანონმდებლო პოლიტიკის, კანონების, სტრატეგიების და პროგრამების შემუშავებისას გენდერული საკითხების ინტეგრაცია ხშირად არ ხდება და სამწუხაროდ სახელმწიფო უფრო წინ აყენებს ბიზნესის მოგების ინტერესს, ვიდრე საზოგადოების საჭიროებებს.

გაეროს საქართველოს ოფისმა თანამშრომლობის 2021-2025 წლების ხელშეკრულების ფარგლებში დასახული მიზნებისა და ამოცანების შესრულების მიზნით ჩამოაყალიბა გაერთოებული გენდერის თემატური ჯგუფი (GTG) რომელშიც გაერთიანებულია გენდერის სფეროს ყველა საკონტაქტო პირი და აღნიშნული ჯგუფი მუშაობს ქვეყანაში გენდერული თანასწორობის და ქალთა გაძლიერების მიართულებით.

საკვანძო სიტყვები: გენდერული თანასწორობა, მდგრადი განვითარება, თანამშრომლობის ხელშეკრულება, ქალთა გაძლიერება, ქალთა უფლებები.

შესავალი

ნებისმიერი საზოგადოების კეთილდღეობა წარმოუდგენელია გენდერული თანასწორობის გარეშე, გენდერული თანასწორობა დემოკრატიული საზოგადოების ფუნქციონირების ერთ-ერთი ძირითადი პრინციპია. თანამედროვე მსოფლიოში ქალთა უფლებების დაცვის საქმეში აღიარებულია გაეროს „კონვენცია ქალთა დისკრიმინაციის ყველა ფორმის აღმოფხვრის შესახებ“ (CEDAW), რომელიც ხელმოწერილი იქნა 1979 წელს და ძალაში შევიდა 1981 წელს. აღნიშნულ კონვენციას საქართველო მიუერთდა 1994 წლიდან.

თანამედროვე საზოგადოებაში ქალები თავისუფალი და ცხოვრებისეული არჩევანის გაკეთებას მხოლოდ იმ შემთხვევაში შეძლებენ, თუ ისინი აქტიურად იქნებიან ინტეგრირებული საზოგადოებრივ ცხოვრებაში, ეზიარებიან და გაითავისებენ ახალ ღირებულებებს. ამ ამოცანის შესასრულებლად მნიშვნელოვანი როლი ენიჭება სწორი სახელმწიფო პოლიტიკის გატარებას ქალთა საკითხებში.

ამ საქმეში მეტად მნიშვნელოვანია გაეროს მდგრადი განვითარების მიზნებისა და ამოცანების განხორციელება. მდგრადი განვითარებისთვის გაეროს პარტნიორობის ფარგლებში, გაეროს საქართველოს ოფისი საქართველოს მთავრობას დიდ დახმარებას უწევს მდგრადი განვითარების მე-5, მე-8, მე-10 და მე-12 მიზნების მიღწევაში. ამ მიზნით მეტად აქტუალურია ქალთა ეკონომიკური გაძლიერებისათვის გენდერულ საკითხებზე ორიენტირებული პოლიტიკის შემუშავება, ეროვნულ და სექტორულ სტრატეგიებსა თუ სამოქმედო გეგმებში გენდერის ინტეგრირება. სტატიაში დიდი ყურადღება აქვს დათმობილი სწორედ გაეროს მდგრადი განვითარების მიზნებში გენდერული თანასწორობის საკითხების განვითარებასა და სრულყოფას საქართველოში.

ძირითადი ნაწილი

გენდერული თანასწორობა ქვეყნისა და საზოგადოების განვითარების ერთ-ერთი აუცილებელი პირობაა, რომელიც გულისხმობს ქალისა და მამაკაცის თანაბარ მონაწილეობას რო-

გორც საზოგადოებრივ, ასე პოლიტიკურ ცხოვრებაში, ყველა ფორმის დისკრიმინაციის აღმოფხვრას, ორივე სქესის წარმომადგენლისათვის სოციალური პირობების გაუმჯობესებისა და დასაქმებისათვის თანაბარი პირობების შექმნას. გენდერული თანასწორობა ადამიანის ძირითადი უფლებაა, იგი ქალისა და მამაკაცის განვითარებისა და კეთლდღეობის ძირითადი მახასიათებელია, ქალთა გაძლიერება და მათი სტატუსის გაუმჯობესება თავისთავად მნიშვნელოვანი მიზანია და ძირითადი ფაქტორია მდგრადი განვითარების მისაღწევად.

გენდერული თანასწორობა, როგორც დემოკრატიული ღირებულებების შემადგენელი ნაწილი შედარებით ახალი ფენომენია და შრომატევად სამუშაოს მოითხოვს სათანადო გარემოს შესაქმნელად. საუკუნეების მანძილზე დარღვეული თანასწორობის აღდგენას მსოფლიოს სხვადასხვა ქვეყნები სხვადასხვა სტრატეგიებით ებრძვიან, განსაკუთრებით მას შემდეგ, რაც მთავრობებისა და საზოგადოებების დიდმა ნაწილმა გააცნობიერა, თუ როგორი მასშტაბური და დამანგრეველია უთანასწორობის შედეგები.

დემოკრატიული სახელმწიფო უნდა ეფუძნებოდეს არა მარტო პოლიტიკური და სოციალური, არამედ გენდერული თანასწორობის იდეასაც, რაც გულისმობს ქალისა და მამაკაცის თანაბარი უფლება-მოვალეობების, პასუხისმგებლობისა და სოციალ-პოლიტიკურ ცხოვრებაში თანაბარი ჩართულობის უზრუნველყოფას. ამ მხრივ სახელმწიფოს მთავარ მიზანს უნდა წარმოადგენდეს გენდერულ თანასწორობაზე ორიენტირებული პოლიტიკის ფორმირება და წარმოება, რომელშიც მოხდება გენდერული იდენტობებისა და ინტერესების ასახვა.

სამწუხაროდ განვითარების ზოგადი დონე და ეკონომიკური შეჭირვება ქვეყანაში ალიქმება, როგორც უთანასწორობის გამამართლებელი მიზეზი. ქალებს არა აქვთ პირობები, რომ თავიანთი შესაძლებლობები სრულად განახორციელონ. ადამიანები დღეს გენდერულ უთანასწორობაზე არ ფიქრობენ, რადგან მათ ამის დრო არა აქვთ, ისინი ხვალინდელ სარჩოს შოვნით არიან დაკავებულნი, მამაკაცთან შედარებით გარემო ქალს გაცილებ-

ბით ნაკლებად უწყობს ხელს შესაძლებლობების განვითარებაში. შესაბამისად, ქალს გაცილებით მეტი ძალისხმევა ჭირდება წარმატების მიღწევისთვის.

სტერეოტიპებად კრისტალიზებული ტრადიციები დიდად განაპირობებს ქალის დაქვემდებარებულ მდგომარეობას. სტერეოტიპის შესაბამისად, ქალი პასიურია, დაუსაქმებელია და მისი უპირატესი სამფლობელო ოჯახია, მაშინ, როდესაც მამაკაცი პროფესიული საქმიანობითაა დაკავებული. ქალის დაქვემდებარებული მდგომარეობის გამყარება გამუდმებით ხდება კულტურისა და აღზრდის მეშვეობით.

გენდერული თანასწორობა თავს იჩენს როგორც საზოგადოებრივ, ისე კერძო სარბიელზე. ეს ორი სფერო არ არის ერთმანეთისგან იზოლირებული და ცვლილება ერთში საბოლოო ჯამში იწვევს ცვლილებას მეორეში. საზოგადოებრივი სარბიელი მამაკაცის პრიორიტეტადაა მიჩნეული, ქალისად კი - კერძო. მაგრამ უთანასწორობა ხშირად სწორედ კერძო სფეროში უფრო ვლინდება. პრობლემას თავად უთანასწორობაზე მეტად წარმოადგენს ის ღირებულება, რომელიც ამ ორ სფეროს მიენერება. სამუშაო სახლის გარეთ, რომელსაც ტრადიციულად მამაკაცი ასრულებს, უფრო მეტადაა დაფასებული, ვიდრე ქალის სახლში შრომა. ბოლო თხუთმეტი წელი აღინიშნა დადებითი ცვლილებებით გენდერულ თანასწორობასთან მიმართებაში. ეს ცვლილებები განპირობებული იყო არა სახელმწიფო პოლიტიკით, არამედ სოციალური ცვლილებებით და მძიმე ეკონომიკურ მდგომარეობასთან მორგების აუცილებლობით. ამ მდგომარეობამ აიძულა ქალები აქტიურად ჩაბმულიყვნენ შემოსავლის მომტან შრომით საქმიანობაში. ეკონომიკურმა დამოუკიდებლობამ, რაც ძალაუფლების მყარ საფუძველს წარმოადგენს, გაზარდა ქალის რესურსები და ის საზოგადოებრივ სფეროში უფრო მაღალ საფეხურზე აიყვანა, უთანასწორობის მიმართ დამოკიდებულება და უთანასწორობის ხარისხი ასაკთან ერთად იცვლება. როგორც წესი ახალგაზრდები უფრო ეგალიტარულ თანასწორობის მომხრე მიდგომას ამჟღავნებენ.

გაერთიანებული ერების მდგრადი განვითარების 5-ე მიზანს

განეკუთვნება საზოგადოებაში გენდერული თანასწორობის უზრუნველყოფა. გამომდინარე აქედან საქართველოს მთავრობა აქტიურად მუშაობს ქვეყანაში 2030 წლისთვის ქალთა ეკონომიკური გაძლიერების და თანასწორი ეკონომიკური შესაძლებლობების უზრუნველყოფისთვის და გადწყვეტილების მიღების პროცესში გენდერული ბალანსის დაცვის მიმართულებით. საქართველოს გაერთიანებული ერების ორგანიზაციის მდგრადი განვითარების დღის წესრიგი უნიკალურ შესაძლებლობას აძლევს მნიშვნელოვანი ნაბიჯები გადადგას გენდერული უთანასწორობის ყველა ფორმის აღმოსაფხვრელად. ამ კუთხით დიდი სამუშაოა გასაკეთებელი ქალთა მხრიდან ეკონომიკურ რესურსებზე ხელმისაწვდომობის გაზრდის, სამუშაო ადგილების არათანაბარი განაწილების და ანაზღაურების პროცესში გარკვეული დისკრიმინაციის აღმოფხვრისათვის.

გლობალური კვლევების თანახმად, ქალის პოტენციური მსოფლიოში ყველაზე ნაკლებად გამოყენებული ეკონომიკური რესურსია, პანდემია კი კიდევ უფრო ამძაფრებს ამ პრობლემას. მსოფლიო კვლევების თანახმად, გლობალურ დონეზე, პანდემიის შედეგად ქალებში სამუშაო ადგილების დაკარგვის მაჩვენებელი დაახლოებით 1.8-ჯერ აღემატება იგივე მაჩვენებელს მამაკაცებში.

საქართველოში გენდერული თანასწორობის განვითარების კუთხით ბევრია გასაკეთებელი რეგიონებში, განსაკუთრებით სოფლად, სადაც ხშირად ადგილობრივი ეკონომიკა სოფლად მცხოვრები ქალების მხრებზე დგას და ხშირად სწორედ ქალბატონები განაპირობებენ იმ ტრანსფორმაციულ ცვლილებებს სოფლად. გაეროს განვითარების პროგრამა (UNDP) აქტიურად ეხმარება საქართველოს რეგიონულ და ადგილობრივ მმართველობებს სისტემური რეფორმების განხორციელებაში, გადწყვეტილების მიღების პროცესში და ადგილობრივ ეკონომიკური ზრდის ხელშეწყობაში ქალთა აქტიური ჩართულობის უზრუნველსაყოფად. სამწუხაროდ ქვეყანაში ქალთა წარმომადგენლობა ადგილობრივ საკრებულოებში 14%-ზე ნაკლებია.

აღსანიშნავია, რომ ბოლო რამდენიმე წლის განმავლო-

ბაში ქვეყანაში გენდერული თანასწორობისა და გენდერული ძალადობის დაძლევის მიმართულებით საქართველომ მნიშვნელოვანი პროგრესი განიცადა, ეროვნული პოლიტიკისა და საკანონმდებლო ჩარჩოს განვითარების თვალსაზრისით . კონკრეტულად კი მიღებულ იქნა შემდეგი კანონები: ¹

- 2006 წლის საქართველოს კანონი ქალთა მიმართ ძალადობისა და ოჯახური ძალადობის აღმოფხვრის, ძალადობის მსხვერპლთა დაცვისა და მათი მხარდაჭერის შესახებ;

- 2006 წლის საქართველოს კანონი ადამიანთა ტრეფიკინგის წინააღმდეგ ბრძოლის შესახებ;

- 2010 წლის საქართველოს კანონი გენდერული თანასწორობის შესახებ;

- 2014 წლის საქართველოს კანონი ყველა ფორმის დისკრიმინაციის აღმოფხვრის შესახებ.

- 2019 წლის კანონი სექსუალური შევიწროვების შესახებ.

ამ კანონების მიღება საქართველოს ნამდვილად, პოზიტიური შედეგია, თუმცა კვლავ არსებობს რიგი საკითხები, რომლებიც კანონმდებლობის შემდგომი გაუმჯობესებისთვის არის გასათვალისწინებელი. აქვე უნდა ავღნიშნოთ, რომ საქართველოში გაადაწყვეტილების მიღების პროცესში და აღმასრულებელ ხელისუფლებაში ქალთა წარმომადგემლობა დაბალია მიუხედავად იმისა, რომ საქართველოს პრეზიდენტი ქალია, 12 სამინისტროდან (პრემიერ მინისტრის ჩათვლით) მხოლოდ ოთხია ქალი, ხოლო ცხრა გუბერნატორიდან არც ერთი არ არის ქალი.

2018 წელს საქსტატმა ჩაატარა აქტივების ფლობის და მენარმეობის პილოტური კვლევა, რომლის მიზანი იყო უძრავი ქონების, მათ შორის სასოფლო-სამეურნეო მიწის მფლობელობის შესწავლა. კვლევის შედეგებით გენდერული სხვაობა აშკარაა სასოფლო-სამეურნეო მიწის ფლობის შემთხვევაში კაცები ორჯერ მეტად არიან დოკუმენტაციით დაფიქსირებულები მფლო-

1 UNDP (2018). გენდერული თანასწორობა საქართველოში: ბარიერები და რეკომენდაციები. ანგარიში.

ბელეზად ვიდრე ქალები¹. კვლევის შედეგები ასევე გვიჩვენებს, რომ მამრობითი სქესის მფლობელთა მნიშვნელოვან ნაწილს თავიანთი ქონება მიღებული აქვს ოჯახის წევრებისგან და არაოჯახის წევრებისგან გადაცემის ან ჩუქების გზით, მაშინ როცა ქალებს ძირითადად შეძენილი აქვთ ქონება საქორწინო სამართლისა თუ წესების საშუალებით. მემკვიდრეობით მიღება და გადაცემის თუ ჩუქების შემთხვევები კაცების სასარგებლოდ ხდება. ეს შეიძლება ნაწილობრივ აიხსნას ტრადიციული პრაქტიკით, რის მიხედვითაც კაცებს პრივილეგია გააჩნიათ მემკვიდრეობის კუთხით, მიუხედავად იმისა, რომ შეიძლება ქალებს ჰქონდეთ სამართლებრივი უფლება ქონებაზე. მეორეს მხრივ, ქალი მფლობელების 20%-ზე მეტს უძრავი ქონება მიღებული აქვს (საცხოვრებელი ფართი, სასოფლო-სამეურნეო მიწა და სხვა უძრავი ქონება) ქორწინების შედეგად, რაც კაცების შემთხვევაში 3%-ს შეადგენს.

დღეისათვის კლიმატის ცვლილება არსებით გავლენას ახდენს საზოგადოების ყველა სოციალურ ჯგუფზე, მაგრამ მისი ზემოქმედება განსაკუთრებით აისახება ქალებზე და მათ უფრო დაუცველს ხდის კლიმატის ცვლილების უარყოფითი შედეგების წინაშე.

გენდერული თანასწორობისთვის დამატებითი რისკფაქტორია სიღარიბე, რადგან ქალებს ხშირად არ მიუწვდებათ ხელი სრულფასოვან კვებაზე, სუფთა ჰაერზე, წყალზე, ექიმთან ვიზიტზე და საცხოვრებელზე. მაგალითად ტექსტილის წარმოება მთელ მსოფლიოში ერთერთ მნიშვნელოვანი დამაბინძურებელი წარმოებაა. ამ სფეროში დასაქმებულთა 90% ქალები წარმოადგენენ. ანალოგიურად საქართველოშიც სამკერვალო ფაბრიკებში დასაქმებულთა უმრავლესობა ქალია, ჩვენს მიერ ჩატარებულმა დაკვირვებამ აჩვენა რომ ქალთა ანაზღაურება თვეში საშუალოდ 400-500 ლარია, სანაცვლოდ უწევთ მუშაობა მაღალი დატვირთვის, ზეგანაკვეთური სამუშაოს შესრულება, რაც ასევე ზრდის მათი ჯანდაცვის რისკებს. ანალოგიური პრობლემებია სხვა ინდუსტრიის პირობებშიც. მაგალითად ქა-

1 საქსტატი 2018წ, ქალები და კაცები საქართველოში.

ლაქი რუსთავი, სადაც ატმოსფერული ჰაერის დაბინძურების ხარისხი დასაშვებ ნორმატიულ მაჩვენებლებს 3-4 ჯერ აღემატება. ამიტომ ქალთა უმრავლესობა უჩივის სუსტ იმუნიტეტს, სხვადასხვა ალერგიულ და ონკოლოგიურ დაავადებებს. აქვე უნდა ავლინდეს, რომ საქართველოში საკანონმდებლო პოლიტიკის, კანონების, სტრატეგიების და პროგრამების შემუშავებისას გენდერული საკითხების ინტეგრაცია ხშირად არ ხდება და სამწუხაროდ სახელმწიფო უფრო წინ აყენებს ბიზნესის მოგების ინტერესს, ვიდრე საზოგადოების საჭიროებებს.

ამის შედეგად ქვეყანაში შექმნილი მოსახლეობის უმუშევრობისა და სიღარიბის ფონზე მაღალია ადგილობრივი მოსახლეობის ემიგრაციის მაჩვენებლები მ.შ. ქალთა (იხ. ცხრილი 1). როგორც ცხრილის ანალიზიდან ჩანს 2015 წელს ქვეყნიდან გავიდა 40148 ქალბატონი, ხოლო 2020 წელს ანალოგიურმა მაჩვენებელმა შეადგინა 30 041, რაც საქართველოსნაირი პატარა ქვეყნისათვის მაღალი მაჩვენებელია.

ცხრილი 1

საქართველოდან ემიგრანტი ქალბატონების რიცხოვნება 2015- 2020 წლებში (ერთეული)

	2015	2016	2017	2018	2019	2020
სულ	40148	43083	37681	42819	40261	30041

წყარო: Geostat Pc-Axis მონაცემთა ბაზები

2015 წელს გაეროს წევრი 193 ქვეყანა შეთანხმდა 2030 წლამდე გაეროს მდგრადი განვითარების დღის წესრიგზე, რომელიც მოიცავს 17 მიზანს და 169 ამოცანას. მდგრადი განვითარების მიზნებიდან სწორედ მე-5 მიზანს წარმოადგენს გაენდერული თანასწორობის მიღწევა.

გაეროს წარმომადგენლობამ საქართველოში და საქართველოს მთავრობამ ერთობლივად შეიმუშავეს მდგრადი განვითარების თანამშრომლობის ხელშეკრულება 2021-2025 წლების პე-

რიოდისათვის. აღნიშნული თანამშრომლობის ხელშეკრულების მთავარი პრინციპია, გაეროს სისტემის გამაერთიანებელი იდეა - „არავინ დარჩეს განვითარების პროცესებს მიღმა“. ამ პრინციპის გარშემო თანამშრომლობის ხელშეკრულებაში დასახული ამოცანები გაერთიანებულია ისეთი პრიორიტეტის გარშემო, როგორიცაა: ადამიანის კეთილდღეობის, შესაძლებლობებისა და სოციალური თანასწორობის გაუმჯობესება საქართველოში 2025 წლისთვის. ამ პრიორიტეტული სტრატეგიის მეორე შედეგის განხორციელების შედეგად 2025 წლისთვის საქართველოში ყველა ადამიანი ისარგებლებს საერთაშორისო სტანდარტების შესატყვისი სტაბილურ და გენდერულ თანასწორობაზე დაფუძნებული სერვისებით. თანამშრომლობის ხელშეკრულების პირობებიდან გამომდინარე პირველი გრძელვადიანი შედეგების ფარგლებში მიღწეული იქნება ქალებისა და გოგონებისათვის ხელსაყრელი გარემოს შექმნა, რითაც მათ საშუალება მიეცემათ საკუთარი პოტენციალი გამოამჟღავნონ ცხოვრების ყველა ასპექტში, როგორიცაა: ჩართულობა ოფიციალურ შრომის ბაზარში და წარმომადგენლობა ყველა დონეზე გადაწყვეტილების მიღების პროცესში. ხოლო თანამშრომლობის მეოთხე გრძელვადიანი შედეგიდან გამომდინარე კონფლიქტით დაზარალებული ქალებისა და ბავშვებისათვის შეიქმნება უკეთესი ნვდომა სოციალურ სერვისებზე, ინფორმაციასა და უფასო იურიდიულ სერვისებზე. მეხუთე გრძელვადიანი შედეგის ფარგლებში მიღწეული იქნება კლიმატის ცვლილების განსხვავებული გავლენის აღიარება ქალებსა და გოგონათა მონყვლად ჯგუფებზე.

გლობალური შეთანხმების საქართველოს ქსელის აღმასრულებელი დირექტორის სალომე ზურაბიშვილის თქმით „ახლა, როგორც არასდროს, ქალთა ეკონომიკური გაძლიერებისკენ მიმართული ღონისძიებები უმნიშვნელოვანესია მსოფლიოში საბაზრო ეკონომიკის სწრაფი და მდგრადი აღდგენისთვის. გაეროს გლობალური შეთანხმებისა და გაეროს ქალთა ორგანიზაციის მიერ მიღებული ქალთა გაძლიერების პრინციპები არის ინსტრუმენტი, რომელიც ხელს შეუწყობს ბიზნეს სექტორს,

რათა დაეხმაროს ქალებს სამუშაო ადგილებზე, ბაზარზე და საზოგადოებაში.¹

გაეროს საქართველოს ოფისმა თანამშრომლობის 2021-2025 წლების ხელშეკრულების ფარგლებში დასახული მიზნებისა და ამოცანების შესრულების მიზნით ჩამოაყალიბა გაფართოებული გენდერის თემატური ჯგუფი (GTG) რომელშიც გაერთიანებულია გენდერის სფეროს ყველა საკონტაქტო პირი და აღნიშნული ჯგუფი მუშაობს ქვეყანაში გენდერული თანასწორობის და ქალთა გაძლიერების მიართულებით.

გამოყენებული ლიტერატურა:

1. მდგრადი განვითარების ანგარიში 2021: მიმოხილვა და საქართველოს შედეგები, IDFI, 2021.
2. გაროს მდგრადი განვითარების თანამშრომლობის ხელშეკრულება 2021-2025, თბ, 2020
3. ადგილობრივი თვითმმართველი ორგანოების გენდერული პოლიტიკის შეფასება, საქართველოს სახალხო დამცველი, 2020.
4. ქალთა ეკონომიკური შესაძლებლობანი და გამოწვევები, ახალგაზრდა ეკონომისტთა ასოციაცია, თბ, 2014
5. მ. ტაბიძე, მ. ქოჩლაძე, გენდერული თანასწორობა გარემოსდაცვითი სამართლიანობა თბ. 2021.
6. <https://globalcompact.ge/safondo-birdja-globaluri-shetankhmebis-saqartvelos-qseli-da-ifc-genderul-tanasworobis-da-pandemiis-sirtuleebis-mkhardasacherad>
7. საქსტატი 2018წ, ქალები და კაცები საქართველოში.
8. UNDP (2018). გენდერული თანასწორობა საქართველოში: ბარიერები და რეკომენდაციები. ანგარიში.

1 <https://globalcompact.ge/safondo-birdja-globaluri-shetankhmebis-saqartvelos-qseli-da-ifc-genderul-tanasworobis-da-pandemiis-sirtuleebis-mkhardasacherad/>

REFERENCES:

1. Sustainable Development Report 2021: Overview and Results of Georgia, (in Georgian) IDFI, 2021.
2. Garo Sustainable Development Cooperation Agreement 2021-2025, Tbilisi, 2020 (in Georgian)
3. Gender Policy Assessment of Local Self-Government Bodies, Public Defender of Georgia, 2020. (in Georgian)
4. Women's Economic Opportunities and Challenges, Young Economist Association, Tbilisi, 2014 (in Georgian)
5. M. Tabidze, M. Kochladze, Gender Equality Environmental Justice Tb. 2021. (in Georgian)
6. <https://globalcompact.ge/safondo-birdja-globaluri-shetankh-mebis-saqartvelos-qseli-da-ifc-genderul-tanasworobis-da-pandemiis-sirtuleebis-mkhardasacherad>
7. Geostat 2018, women and men in Georgia. (In Georgian)
8. UNDP (2018). Gender Equality in Georgia: Barriers and Recommendations. Report. (In Georgian).

GENDER EQUALITY AND SUSTAINABLE DEVELOPMENT

Bela Kutibashvili,
PhD Student of GTU

Scientific Supervisor:
Tariel Kikvadze, Professor of GTU

RESUME

The article discusses gender equality as an integral part of democratic values. It is a democratic state that should be based not only on political and social, but also on the idea of gender equality, which means ensuring equal rights and responsibilities, responsibilities and equal participation in socio-political life. The 5th goal of the Unit-

ed Nations-Sustainable Development is to ensure gender equality in society. Therefore, the Government of Georgia is actively working to ensure economic empowerment of women and equal economic opportunities in the country by 2030 and to protect the gender balance in the decision-making process. According to global studies, female potential is the least used economic resource in the world, and a pandemic exacerbates this problem. According to world studies, globally, the rate of job losses in women due to pandemics is about 1.8 times higher than the same rate in men.

The article extensively covers additional risk factors for gender equality, such as poverty, as women often do not have access to adequate nutrition, fresh air, water, doctor visits, and housing. For example, the production of textiles is one of the most important polluting industries in the world. 90% of the employees in this field are women. Similarly, in Georgia, the majority of employees in garment factories are women. Our observations show that women earn an average of 400-500 GEL per month, in return for having to work hard, working overtime, which also increases their health risks. Similar problems exist in other industry conditions. For example, the city of Rustavi, where the degree of air pollution is 3-4 times higher than the allowable norms. That is why most women complain of weak immunity, various allergic and oncological diseases. It should also be noted that in Georgia, the integration of gender issues in the development of legislative policies, laws, strategies and programs does not happen often and, unfortunately, the state puts the interest of business profit ahead of the needs of society.

The UN Office in Georgia has set up an Extended Gender Thematic Group (GTG) to achieve the goals and objectives set out in the 2021-2025 Partnership Agreement, which brings together all gender contacts and works to promote gender equality and women's empowerment in the country.

Keywords: Gender equality, sustainable development, cooperation agreement, women's empowerment, women's rights.